

ՀՀ ֆինանսների նախարարություն

Հարկային և մաքսային մարմինների գանգատարկման հանձնաժողով

Ո Ր Ո Շ ՈՒ Մ 9/9

22 հուլիսի 2014 թ.

Քննարկվեց «Տրդատ Շ» ՍՊԸ 08.07.2014 թ-ի թիվ 6 գրությամբ բերված միջնորդությունը 2012 թ-ի ընթացքում ԱԱՀ վճարող համարվելու վերաբերյալ:

«Տրդատ Շ» ՍՊԸ գրությունում բերված փաստարկները.

«Տրդատ Շ» ՍՊԸ-ն 2012 թ-ի հունվարի 23-ին հիմք ընդունելով այն հանգամանքը, որ իրականացնում է լիցենզավորման ենթակա գործունեություն, հարկային մարմին է ներկայացրել որպես ավելացված արժեքի հարկ վճարող հաշվառվելու և ԱԱՀ վճարողի հաշվառման համար կիրառելու վերաբերյալ հայտարարություն: Հայտարարություն ներկայացնելու պահին թյուրիմացաբար հաշվի չի առնվել այն հանգամանքը, որ հայտարարություն ներկայացնելու պահին կազմակերպության ունեցած լիցենզիայի ներդիրի համար պետական տուրքի գումարը չի գերազանցում 100 հազար դրամը, ուստի կազմակերպությունը պետք է ներկայացներ ԱԱՀ վճարող համարվելու վերաբերյալ հայտարարություն:

«Տրդատ Շ» ՍՊԸ-ն 2012 թ-ի ընթացքում հարկային մարմնից ստացել է հարկային հաշիվների ձևեր, ըստ հաշվետու ժամանակաշրջանների ներկայացրել է ԱԱՀ-ի հաշվարկներ և դուրս գրված ու ստացված հարկային հաշիվների վերաբերյալ տեղեկություններ, կատարել է ԱԱՀ-ի վճարումներ:

«Տրդատ Շ» ՍՊԸ-ն դիմել է Շենգավիթի հարկային տեսչություն՝ խնդրելով ավելացված արժեքի հարկ վճարող հաշվառվելու և ԱԱՀ վճարողի հաշվառման համար կիրառելու վերաբերյալ ներկայացված հայտարարությունը հիմք ընդունելով կազմակերպությանը համարել ԱԱՀ վճարող: Շենգավիթի հարկային տեսչությունը, ի պատասխան նամակի, առաջարկել է դիմել գանգատարկման հանձնաժողովին:

Ելնելով վերոգրյալից և հաշվի առնելով այն հանգամանքը, որ «Տրդատ Շ» ՍՊԸ-ն 2012 թ-ին իրեն դրսևորել է որպես բարեխիղճ հարկ վճարող, կազմակերպությունը խնդրում է 2012 թ-ին համարել որպես ԱԱՀ վճարող:

ՀՀ ֆինանսների նախարարության հարկային և մաքսային մարմինների գանգատարկման հանձնաժողովի եզրակացությունը.

ՀՀ ֆինանսների նախարարության հարկային և մաքսային մարմինների գանգատարկման հանձնաժողովը (այսուհետ նաև Հանձնաժողով), ուսումնասիրելով սույն գործին առնչվող նյութերն ու ապացույցները եկավ հետևյալ եզրակացության:

Քննարկման ընթացքում նշվեց, որ «Տրդատ Շ» ՍՊԸ (այսուհետ նաև ընկերություն) կողմից 23.01.2012 թ-ին ներկայացվել է հայտարարություն «Որպես ԱԱՀ վճարող հաշվառվելու և ԱԱՀ վճարողի հաշվառման համար կիրառելու մասին»: Նշված հայտարարության ներկայացմամբ «Տրդատ Շ» ՍՊԸ-ն իրեն համարել է ԱԱՀ վճարող և կատարել է դրանից բխող գործողություններ, ինչը, սակայն, չի ընդունվել Շենգավիթի ՀՏ կողմից, քանի որ ԱԱՀ վճարող համարվելու համար վերոգրյալ

հայտարարության փոխարեն ընկերության կողմից պետք է ներկայացվեր հայտարարություն «ԱԱՀ վճարող համարվելու վերաբերյալ»:

Խնդրո առարկա հարցի վերաբերյալ Հանձնաժողովն բազմիցս արտահայտել է իր դիրքորոշումը, որը կայանում է հետևյալում:

«Ավելացված արժեքի հարկի մասին» ՀՀ օրենքի (այսուհետ նաև օրենք) 3-րդ հոդվածի համաձայն՝ ԱԱՀ վճարող է համարվում, մասնավորապես, որպես ձեռնարկատիրական գործունեություն իրականացնող գրանցված իրավաբանական անձը՝ ԱԱՀ վճարող համարվելու վերաբերյալ հայտարարությունում նշված օրվանից մինչև հայտարարությունում նշած տարվա ավարտը, բայց ոչ շուտ, քան հայտարարությունը ներկայացնելու հաշվետու ժամանակաշրջանի առաջին օրացուցային օրվանից, եթե անձը կարող է համարվել շրջանառության հարկ վճարող, սակայն իր հաշվառման վայրի հարկային մարմնին վերադաս հարկային մարմնի սահմանած ձևով գրավոր հայտարարություն է ներկայացրել ԱԱՀ վճարող համարվելու վերաբերյալ:

Հայտարարության ձևը հաստատված է ՀՀ ԿԱ ՊԵԿ նախագահի 11.02.2011թ. թիվ 51-Ն հրամանով (հաշվետվությունների ներկայացման էլեկտրոնային համակարգում 84-րդ ձև), որի ներկայացման դեպքում է միայն շրջանառության հարկ վճարող համարվելու պայմաններին բավարարող անձը համարվում ԱԱՀ վճարող: Նշված հայտարարությունը չներկայացնելու դեպքում անձը չի կարող համարվել ԱԱՀ վճարող:

ՀՀ կառավարության 04.08.2011 թ-ի «Ավելացված արժեքի հարկ վճարողների հաշվառման կարգը հաստատելու մասին» թիվ 1104-Ն որոշմամբ սահմանված է հարկային մարմնում ավելացված արժեքի հարկ վճարողների հաշվառման կարգը, որի համաձայն՝ ԱԱՀ վճարող համարվող անձինք հարկային մարմնին են ներկայացնում իրենց՝ որպես ԱԱՀ վճարող հաշվառելու հայտարարություն (հաշվետվությունների ներկայացման էլեկտրոնային համակարգում 71-րդ ձև): Որպես ԱԱՀ վճարող հաշվառվելու համար օրենքի պահանջ է, որ հարկ վճարողը արդեն իսկ հանդիսանա ԱԱՀ վճարող:

Ավելին, ՀՀ կառավարության 04.08.2011 թ-ի «Ավելացված արժեքի հարկ վճարողների հաշվառման կարգը հաստատելու մասին» թիվ 1104-Ն որոշմամբ սահմանվել է, որ որպես ԱԱՀ վճարող հաշվառվելու հայտարարություն չեն ներկայացնում որպես ԱԱՀ վճարող համարվելու վերաբերյալ հայտարարություն տված անձինք:

Ելնելով վերոգրյալից, որպես ԱԱՀ վճարող հաշվառվելու և ԱԱՀ վճարողի հաշվառման համար կիրառելու մասին հայտարարության ներկայացումը հիմք չէ անձին ԱԱՀ վճարող համարելու համար: Հաշվի առնելով, որ հայտարարություն ներկայացրած անձի՝ ԱԱՀ վճարող համարվելու օրենսդրական հիմքերը հայտարարությունը ներկայացնելու պահին հարկային մարմնին հայտնի չեն, հարկային մարմնին ընդունել է ԱԱՀ վճարող հաշվառելու հայտարարությունը, ինչը, սակայն, «Ավելացված արժեքի հարկի մասին» ՀՀ օրենքի համաձայն չի նշանակում, որ հաշվառման համար հայտարարություն ներկայացրած հարկ վճարողը համարվում է ԱԱՀ վճարող:

Միննույն ժամանակ, Հանձնաժողովը հաշվի է առնում այն հանգամանքը, որ ՀՀ վարչապետի մոտ 27.11.2013 թ-ին կայացած քննարկման արդյունքում կազմված թիվ 23.6/[177920]-13 արձանագրության 2-րդ կետի 2-րդ ենթակետով հանձնարարվել է

բոլոր այն դեպքերում, երբ տնտեսավարող սուբյեկտն իր տնտեսական գործունեությունը տեղափոխել է ընդհանուր հարկման դաշտ և ցուցաբերել բարեխիղճ հարկատուի վարքագիծ (ժամանակին կատարել է իր հարկային պարտավորությունները)՝ չկիրառել օրենսդրորեն նախատեսված (ընթացակարգերի խախտմամբ ԱԱՀ վճարող համարվելու համար) պատժամիջոցները:

Հիմք ընդունելով ՀՀ վարչապետի մոտ 27.11.2013 թ-ին կայացած քննարկման N 23.6/[177920]-13 արձանագրության 2-րդ կետի 2-րդ ենթակետով տրված հանձնարարականը, ինչպես նաև հաշվի առնելով այն հանգամանքը, որ ընկերությունը ցուցաբերել է բարեխիղճ հարկատուի վարքագիծ, Հանձնաժողովը գտնում է, որ «Տրդատ Շ» ՍՊԸ միջնորդությունը 2012 թ-ի ընթացքում ԱԱՀ վճարող համարվելու վերաբերյալ, ենթակա է բավարարման:

Ելնելով քննարկման արդյունքներից և ղեկավարվելով «Հարկային ծառայության մասին» ՀՀ օրենքի 43.1-րդ հոդվածի և «Մաքսային ծառայության մասին» ՀՀ օրենքի 37-րդ հոդվածի պահանջներով Հանձնաժողովը

ո ր ո շ ու մ է՝

«Տրդատ Շ» ՍՊԸ 08.07.2014 թ-ի թիվ 6 գրությամբ բերված միջնորդությունը 2012 թ-ի ընթացքում ԱԱՀ վճարող համարվելու վերաբերյալ բավարարել:

Հանձնաժողովի նախագահ՝



Վ.ՄԻՐՈՒՄՅԱՆ